



RAPORT VJETOR I KOMITETIT PËR KOMUNITETE PËR VITIN 2016

1. Gjendja e sigurisë

Gjendja e përgjithshme e sigurisë gjatë vitit 2016 ka qenë e mirë dhe stabile. Sipas raportimeve të përfaqësuesve të komuniteteve joshumicë dhe Policisë së Kosovës, nuk është regjistruar asnjë eksces ndëretnik në territorin e Komunës së Prishtinës.

2. Qasja e komuniteteve joshumicë në shërbimet publike

Komunitetet joshumicë kanë pasur qasje të mira në shërbimet publike në të gjitha institucionet komunale. Komiteti për Komunitete, drejtoritë komunale me shërbimet e tyre, u kanë kushtuar mjaft kujdes anëtarëve të komuniteteve, atyre që kanë kërkuar të pajisen me dokumentacion personal, familjar dhe pronësor.

3. Takimet e Komitetit për Komunitete

Gjatë vitit 2016 Komiteti për Komunitete ka mbajtur 12 takime, në të cilat takime janë shqyrtuar këto çështje:

- Hartimi i Planit të punës së Komitetit për vitin 2017,
- Bashkëpunimi me drejtoritë dhe institucionet e tjera të Komunës: Kryetarin, Nënkryetarin, Drejtorin e Administratës, Zyrën Komunale për Komunitete dhe Kthim, zyrtarët e OSCE-së, MKK, Policinë e Kosovës, KFOR-in, zyrtarë të organizatave jo qeveritare dhe ndërkombëtare,
- Shqyrtimi i kërkesave dhe ankesave të anëtarëve të komuniteteve mbi gjendjen e tyre ekonomike-sociale, të sigurisë, dhe objektivat e përbashkëta të kthimit dhe ri integritimit,

- Vlerësimi i vizitave të kryera në rajonet me anëtarë të komuniteteve, institucioneve komunale-shkollave në mjediset ndëretnike, familjeve, organizatave shoqërore dhe aktiviteteve të tjera në bazë të Planit të punës të Komitetit për Komunitete në vitin 2016,
- Ka shqyrtuar evidencën e Familjeve të cënueshme të komuniteteve për ndihmë duke i njoftuar drejtoritë kompetente dhe zyrtarët komunal,
- Komiteti gjatë seancave ka nxjerrë shumë konkluzione, të cilat ia ka drejtuar drejtorive përkatëse për t'i implementuar ato,
- Ka shqyrtuar dhe vlerësuar projekte të ndryshme për zhvillimin e komuniteteve jo shumicë të përgatitura nga ZKKK,
- Ka ftuar anëtarë dhe kryesues të disa komiteteve të disa komunave për një shkëmbim përvojash si dhe njoftimi i tyre me punën dhe angazhimin e anëtarëve të komitetit për komunitete të komunës së Prishtinës,
- Ka përcjell dhe përkrah projektet e IOM-it për ndarjen e mjeteve përfituesve si dhe Shqyrtimin e e kërkesave të anëtarëve të komuniteteve Ashkali dhe Serb,
- Ka përcjell dhe përkrah promovimet e sporteve nga OJQ Sport Coni, që anëtarët e komuniteteve joshumicë të aplikojnë në fazat Subvencionuese në Drejtorinë e Kulturës.

4. Takimet e zyrtarëve të Zyrës për Komunitete

- Katër takime me pjesëtarët e KFOR-it kishin për qëllim realizimin e bashkëpunimit korrekt dhe njoftimin e ndërsjellë përkitazi me projektet e vitit 2016, vazhdimin e bashkëpunimit si dhe adresimeve të përbashkëta gjatë këtij viti. Zyra ka kontaktuar dhe bashkëpunuar me Drejtorinë e Arsimit dhe drejtoritë tjera të Komunës,
- Takimi me përfaqësuesin e komunitetit ashkali, rreth mundësisë për realizimin e projekteve të vitit 2016, si komunitet jo shumicë,
- Takimi me zyrtarë nga OSBE, lidhur me çështjet e riintegritimit dhe për çështje të tjera në kuadrin e respektimit të të drejtave të komuniteteve jo shumicë,
- Takimi me përfaqësuesin e komunitetit rom, për t'i diskutuar projektet që mund të procedoheshin, si dhe data të tjera të rëndësishme për komunitetin rom;
- Takim me drejtoreshën e Drejtorisë së Kulturës, me qëllim të koordinimit të punëve dhe aktiviteteve që ndërlidhen me komunitetet jo shumicë,
- Përgatitja e fushatës mbi regjistrimin civil falas të komuniteteve rom, ashkali dhe egjiptian e planifikuar në periudhën 15.06.2016 deri 31.07.2016. Njoftimet e shtypura u janë dorëzuar dhe shpërndarë në lagjet e tyre përmes njoftimit përkatës,
- Takimi me drejtoreshën e Kulturës, Rinisë dhe Sportit lidhur me organizimin e ditës së Flamurit Ashkali, propozimet përkatëse dhe mundësitë financiare,
- Organizimi i takimit me drejtorin e Drejtorisë për Shëndetësi dhe Mirëqenie Sociale. Në pika të përgjithshme u diskutuan mundësitë materiale për përfitim të ndihmave për komunitete,
- Takimi i grupit punues nga KK dhe një anëtarë nga ZKKK Prishtinë, për takim në MK, temë diskutimi ishte koordinimi më i mirë me MKK-në në lidhje me

kthimin dhe ndihmën komuniteteve në territorin Komunës së Prishtinës. Në këtë takim u morën edhe disa konkluzione.

- Duke pasur parasysh se në drejtimin e kthimit (ndërtimit të shtëpive) në Komunën e Prishtinës është bërë shumë pak, ishte e nevojshme që MK-ja, për vitin 2016, t'i japin prioritet vlerësimit të objekteve me urgjencë, ndërtimit të shtëpive për të kthyerit. Të gjithë individët mund t'i dorëzojnë kërkesë për ndihmë përmes arkivit të MKK-së personalisht,
- Takim me zyrtarët e Qendrës kulturore për pjesëmarrjen e fëmijëve të Komuniteteve në audicion,
- Me inicimin e Komitetit dhe ZKKK, Administrata komunale e përkrahi festimin e festës së komunitetit boshnjak, duke subvencionuar me material sanitar dhe shkollor,
- Takim me drejtorin e Administratës z. Muhedin Nushi, lidhur me projektet e mundshme për procedim për komunitetet jo shumicë,
- Takim me drejtoreshën e Drejtorisë së Kulturës për implementimin e projektit për nder të 8 Prillit, Ditës ndërkombëtare të romëve,
- Tryeza e rrumbullakët e organizuar nga VORAE për implementimin e projektit trevjeçar – përfshirja sociale dhe përmirësimi i kushteve të jetesës për romët, ashkallitë dhe egjiptianët si dhe integrimi i komuniteteve në shoqërinë kosovare, planet e kësaj organizate gjatë vitit 2016 për komunitetet RAE dhe bashkëpunimin e vazhdueshëm që do ta kemi në implementimin e projekteve të ndryshme të përgatitura nga organizata përkatëse,
- Takim pune me z. Idriz Berisha lidhur me çështje të ndryshme të komunitetit ashkali, festimin e Ditës së Flamurit Ashkali dhe kërkesë-përkrahjen e dorëzuar në Drejtorinë e Kulturës,
- Takim pune me sekretarin e Kryqit të Kuq në Prishtinë z. Hasan Mustafa. Në takim është diskutuar për projektin e ZKKK-së për mirëqenien e nxënësve të komuniteteve RAE, që si qëllim kryesor ka ndihmesën në veshmbathje të anëtarëve të komuniteteve RAE,
- Takime pune në Qendrën për Punë Sociale,
- Zyrtarët e ZKKK-së morën pjesë në grupin për të drejta sociale për grupet e marginalizuara, me temën „fëmijët në situatë rruge“, duke përfshirë edhe fëmijët e komuniteteve joshumicë.

5. Vizitat e Komitetit për Komunitete

Gjatë vitit 2016 Komiteti për Komunitete përmes komisioneve dhe grupeve punuese ka vizituar, si në vijim:

- Komunitetin Ashkali, në “Kodrën e Trimave”,
- Shkollën fillore multietnike “Asim Vokshi” Prishtinë,
- Shkollën fillore multietnike “Emin Duraku” Prishtinë,
- Gjimnazin “Sami Frashëri” – nxënësit e komunitetit turk,
- Shkollën e mesme “Ali Sokoli” – nxënësit e komunitetit boshnjak,
- Nxënësit e komunitetit turk, rom dhe boshnjak në Prishtinë.

Komisioni i ZKK ka kryer edhe këto punë:

- ka ndarë mjete higjienike dhe shkollore për 9 SHFMU dhe gjashtë shkolla SHML ku mësimet i ndjekin 104 nxënësit e komuniteteve,
- ka vizituar çdo muaj Qendrën për Paqe dhe Tolerancë, me qëllim të informimit të drejtpërdrejtë për problemet eventuale dhe të informimit të komunitetit serb, si në rastin e vizitës në kishën "Sveti Nikolla" në Prishtinë,
- Ka vizituar Familjen Dërmonçiq, e cila është në një gjendje të rëndë, sepse janë të sëmurë anëtarët e familjes. U vizitua edhe Lepasava Stojanoviç në barakë afër RTK. Duke ditur gjendjen e rëndë të Lepasava Stojanoviç, i janë ndarë dy metra dru zjarri nga DSHMS dhe 100 €,
- ka vizituar Familjen Mazade Balkon e komunitetit turk, pasi shtëpia i është djegur më dt. 03.01.2016, në të cilën jetonin pesë anëtarë të familjes,
- Ka kompenzuar nga Komuna një shumë të caktuar për djegien e shtëpive të Remzi Marollit-ashkali, Mazada Balkan e komunitetit Boshnjak, Miliçeviç Gordana nga Bërnica e Poshtme dhe Slobodan Bojkoviç, anëtar i komunitetit serb nga Bërnica e Poshtme duke i kompenzuar dëmin nga vërshimet për shkak të mbylljes së pusetës,
- Vizitë e zyrtarëve të ZKKK dhe inxhinierit të MKK-së në terren në familjen e z. Dejan Kostiq nga Bërnica e Poshtme për të verifikuar qartë nëse shtëpia e tij është për rindërtim apo riparim. Inxhinierët e ndërtimit do të konstatojnë zyrtarisht situacionin e shtëpisë për riparim apo rindërtim.

6. Kërkesat

Gjatë vitit 2016 Komiteti për Komunitete ka shqyrtuar të gjitha kërkesat e anëtarëve të komuniteteve: për dru zjarri, ndihmë emergjente, strehim, riparime dhe për kompensim dëmi. Këto kërkesa janë proceduar në drejtoritë përkatëse për realizimin e tyre. Shumica prej tyre janë realizuar.

7. Ndhma familjeve dhe nxënësve të komuniteteve

Zyrtarët e ZKKK-së me përkrahjen e Komitetit dhe drejtorit të Administratës bënë ndarjen e mjeteve higjienike dhe mjeteve mësimore për nxënësit e komunitetit rom dhe ashkali. Komisioni i ZKK ka ndarë mjete higjienikë dhe shkollore në nëntë SHFMU dhe gjashtë SHML ku mësimet i ndjekin 104 nxënësit të komuniteteve të financuara nga Komuna e Prishtinës.

- Me iniciativën e ZKKK-së dhe përkrahjen e Komitetit, familjet skamnore të komunitetit RAE, serbë dhe boshnjakë janë furnizuar me nga 2 m2 dru zjarri dhe kanë marrë nga 100 € ndihma emergjente nga Drejtoria e Shëndetësisë dhe Mirëqenies Sociale.
- Komisioni për identifikimin e familjeve të cenueshme nga radhët e komuniteteve joshumicë, i formuar nga Komitetit për Komunitete, ka zhvilluar vizitë në familjet e komuniteteve joshumicë që janë konsideruar si

familje të cënueshme. Komisioni ka hartuar një raport në detaje për secilën familje që është shqyrtuar dhe miratuar në Komitetin për Komunitete.

8. Projektet për zhvillim të komuniteteve joshumicë në Komunën e Prishtinës

Gjatë vitit 2016 Komiteti për Komunitete i përkrahi projektet për zhvillim komuniteteve për vitin 2016.

Projektet për zhvillim të komuniteteve për vitin 2016 janë, si vijon:

Në Drejtorinë e Shërbimeve Publike janë dorëzuar, projektet si vijon:

1. Pastrimi dhe rrethimi i varrezave myslimane në Bardhosh,
2. Pastrimi dhe rrethimi i varrezave serbe në Matiçan,
3. Ndërtimi i rrethojës së kishës në Bërnicën e Poshtme me themel betoni,
4. Ndriçimi i shtatë rrugicave në Bardhosh dhe ndriçimi i rrugës në Bërnicë të Epërme prej shkollës deri tek kroi i Milevcit, duke filluar nga mulliri Agro Llug,
5. Vendosja e zebrave dhe kontonierëve të mbeturinave në Rr. „Bedri Gjini“ në Kodrën e Trimave.

Në Drejtorinë e Infrastrukturës janë dorëzuar, projektet si vijon:

1. Ndërtimi i trotuarit në rrugën kryesore në Bërnicë të Poshtme në njërin krah me gjatësi prej 2.5 km,
2. Asfaltimi i rrugëve dytësore në Bërnicë të Poshtme me gjatësi prej 1.5 km,
3. Asfaltimi i rrugës prej kanalit të Ibër-Lepencit deri tek varrezat në Bardhosh,
4. Shtrimi me kubëza i parkingut të Kishës “Sveti Nikola” në Prishtinë.

Në konkursin për aplikim të projekteve për grante-subvencionim të shpallur nga IOM prej 01.02.2016 – 19.02.2016 kanë aplikuar 12 anëtarë të komuniteteve joshumicë (9 anëtarë të komunitetit serb; 2 anëtarë të komuniteteve RAE; dhe 1 anëtarë i komunitetit goran).

9. Konkluzionet

Gjatë vitit 2016 Komiteti për Komunitete nga takimet e mbajtura ka nxjerrë 50 konkluzione, shumica prej të cilave janë implementuar, si vijon:

- Sigurimi i transportit për nxënësit e komunitetit serb në relacionin Prishtinë – Graçanicë,
- implemtimi në fazën e perfundimtare për 7 projekte të vitit 2015 nga Zyra e Prokurimit,
- Dërgimi i raporteve të punës nga zyrtarja e Njësisë për të Drejtat e Njeriut dhe Barazisë Gjimore dhe ZKK për Komitetin për Komunitete,
- Pjesëmarrja e drejtorëve dhe zyrtarëve të tjerë më seancat e Komitetit për Komunitete,

- Rregullimi i Kanalizimit në Bërnice të Poshtme dhe sigurimi i shportave të mbeturinave për Bërnice të Poshtme dhe rr. Bedri Gjini,
- Implementimi i gati të gjitha projekteve për vitin 2015,
- Përkrahja dhe takimet me Kryetarin e Komunës.

10. Sfidat

Gjatë vitit 2016, Komiteti për Komunitete ka hasur edhe në sfida dhe vështirësi për kryerjen e punëve. Sfidat kryesore janë:

1. **Drejtoria e Pronës** nuk e ka zbatuar konkluzionin e Komitetit dhe as nuk e ka inicuar tek organet kompetente problemin për identifikimin, uzurpimin dhe lirimimin e banesës në ndërtesën banesore në YU Program në lagjen “Ulpianë”, si dhe në objektin banesor në rrugën “Ragip Loxha” afër “Shtëpisë së Pleqëve”.
2. Drejtoria e Shëndetësisë dhe Mirëqenies Sociale nuk i ka zbatuar konkluzionet e Komitetit për Komunitete për ndihmë në strehimin e përkohshëm dhe ndihmë materiale për anëtarin e komunitetit boshnjak, Sakiba Jashari dhe anëtarin e komunitetit rom Adnan Ajeti, pasi pozita e tyre ekonomike dhe sociale është shumë e vështirë.
3. Komiteti për Komunitete nga ana e Zyrës Ligjore nuk është informuar fare me rregulloret, vendimet, konkurset e shpallura dhe aktet e tjera juridike, edhe pse janë zotuar nga menaxheri i personelit.
4. Mund të konstatohet se Komiteti për Komunitete i ka shqyrtuar dhe realizuar të gjitha aktivitetet që janë planifikuar sipas Planit të punës 2016 dhe Rregullores së punës të Komitetit për Komunitete.
5. Drejtoria e Kulturës edhe pas disa kërkesave nga ZKKK nuk e ka informuar Komitetin për komunitete për projektet subvencionuese dhe përfituesit nga radha e komuniteteve jo shumicë. Nuk e ka zbatuar konkluzionin e Komitetit që në komisionin vlerësues subvencionues të jetë anëtar z. Nenad Miladinoviç.

Prishtinë,

05.12.2016

Komiteti për Komunitete
Sylejman Pireva